



UNIVERSITÄTS-  
BIBLIOTHEK  
PADERBORN

**Adnotationes || Et Meditationes || In Evangelia Qvae || In  
Sacrosancto Mis-||sae Sacrificio || Toto Anno || Legvntvr;||**

**Nadal, Gerónimo**

**Antuerpiæ, M. D. XCV.**

Orationis perfectio docetur.

---

[urn:nbn:de:hbz:466:1-78158](https://nbn-resolving.org/urn:nbn:de:hbz:466:1-78158)

# DOMINICA QVINTA POST PASCHA.

Orationis perfectio docetur.

IOAN. XVI.

ANNO XXXIII.

In cxxiiij. imaginem adnotatiuncula.

cxxiiij.

106.

A. *Ibidem docet Christus Discipulos perfectionem orationis quam essent habituri.*  
B. *Confessus Christi ad dexteram Patris, ut intelligamus omnia nos impetraturos à Patre per Filium.*

C. *Significantur in splendore splendorum æterni in quibus generatus est à Patre Filius. Psal. 110.*  
D. *Incarnatio, in qua predestinatio Christi intelligitur.*

## EVANGELIVM MISSÆ.

IOAN. XVI.

**A**men amen \* dico vobis, si quid petieritis <sup>b</sup> Patrem in nomine meo, dabit vobis. Usque modò non petistis quidquã in nomine meo. Petite, & accipietis, ut gaudium vestrum sit plenum. Hæc in proverbijs locutus sum vobis: venit hora cùm iam non in proverbijs loquar vobis, sed palàm de Patre annuntiabo vobis. In illo die in nomine meo petetis: & non dico vobis quia ego rogabo Patrem de vobis; ipse enim Pater amat vos, quia vos me amastis, & credidistis quia ego à Deo exiui. <sup>c</sup> Exiui à Patre, & <sup>d</sup> veni in mundum: iterum relinquo mundum, & vado ad Patrem. Dicunt ei Discipuli eius; Ecce nunc palàm loqueris, & proverbium nullum dicis. Nunc scimus quia scis omnia, & non opus est tibi ut quis te interroget: in hoc credimus quia à Deo exiisti.

## ADNOTATIO.

A. *Christus docens perfectionem orationis: eodem loci ubi eodem capite ostenderat Christum illustriorem spiritus sapientiam datum iri discipulis, postquam ipse resurrexisset, ascendisset in celum, & Spiritum sanctum in illos misisset. Addit verò nunc fore illis omnia quæ ad fidei plenitudinẽ spectarẽt per Spiritum sanctum aperta, nec interrogaturos, vel oraturos ut solent, hoc est imperfecte.*

B. *Sedet Christus ad dexteram Patris in celo: orant verò Apostoli Patrem, sed manu designantes Christum, ut qui nomine eius Patremorent. Significatur autem nova orationis perfectio, qualem antea non habuerant Apostoli: ex maiori enim intellectus luce, & voluntatis per-*

*fectiore in Deum affectu, nova ratio orationis emanat & efficacia; quæ facit, ut sola hæc videatur esse oratio, nõ fuisse superiores. Propterea dixit Christus: Non petistis usque modo: confirmo tamẽ simul futurum, siquid petieritis perfecte in nomine meo, id est in virtute omnium mysteriorum meorum, quæ erant tunc completa, si per plenitudinẽ meriti mei, quod omnia sitis accepturi quæ ad nomẽ meum illustrandum petieritis à Patre: hanc orationis rationem, hanc perfectionem hæcenus non habuistis; incipite iam hinc illa exerere, illi assuescere, hæc doctrina & luce, quam nunc potestis accipere, bene animati.*

D. C. *Annunciatio & incarnatio Verbi divini:*

diuini: nam is fuit vnus exitus à Patre temporalis, cum quo coniunctus est æternus exitus, qui est generatio à Patre æterno. Hos exitus aperte pronunciat Micheas s. cap. Et egressus eius (numero plurali, vt Hebraice est, & in Septuag.) ab initio à diebus æternitatis. Vnus enim egressus plane est ab initio à diebus æternitatis, æter-

nus scilicet, alius in predestinationis excellentia: primogenitus enim est Christus omnis creatura, est predestinatus filius Dei, tum temporalis missio processit à Patre, qui est principium absque principio, & à sua æternitate misit Filium, pro temporis plenitudine à se constituta.

## MEDITATIO.

Venite, fratres, ad vim perfectionem que orationis intelligendam ex ore IESV, æternæ omnipotentis Patris sapientia. Docuerat quidem Discipulos suos excellentissimam orationem; quid igitur expectare ex presenti orationis doctrina debemus? Summam cum illa, & salutaribus orationibus, virtutem & efficaciam esse copulatam ostendit Discipulis suis Dominus, quodque ad illud vsque tempus non orassent in eius nomine, vel quod tenuerit id fecerant, vel quod facere non poterant adhuc perfectè, quia mysteria œconomia Christi, per qua petendum est, nondum erant consummata; vel omnino idonei non erant ad petendū per crucis Christi & passionis mysteria, qui adhuc illa non intelligebant. Docet ergo quo pacto essent petituri, in eius videlicet nomine. Quid iam id non fecerant Apostoli? Ex Christi quidem institutione & præcepto fecerant; sed ita fecerant, vt collatione eius doctrinae & lucis qua nunc illis offerebatur, in nomine IESV nõ videretur orasse. Accepistis igitur præclaram illam lucem orationis, & vim diuinam, o beati Apostoli, hac Christi doctrina: sumus nos vestre predicationis & Apostolatus filij; docete nos, oramus per Christum IESVM, quemadmodū in nomine eius orare debeamus: doce tu nos omnium nomine beatissime Petre Apostolorum Princeps; quod, obsecro, est nomen Præceptoris tui, in quo petere à Patre debemus in oratione? Est primum eius nomen ineffabile יהוה Iehoua

1. Pet. 1. tetragrammaton, cuius significatum per x̄p̄os  
Eph. 2. bis ego in epistola mea indicaui: vt Euange-  
Eph. 4. listæ, & alij noui testamenti scriptores, tum  
1. Cor. 1. Ecclesia Christi, non tantū in veteri testa-  
Eph. 2. mento, sed etiam nouo, quoties ex veteri oc-  
1. Pet. 1. curret nomen tetragrammaton, non ipsum,  
sed eius loco nomen Adonai, vel x̄p̄os, vel  
Dominus, scribunt. Hoc est primum nomen  
Christi, per quod, eiusque significationem,  
Patrem orare debemus, per quod vim diuinam  
accipere, & orationis, & omnium actionum.

Hoc nomen, hanc diuinitatem & in æterna generatione dedit Filio Pater, & in incarnatione communicauit atque vniuit illi humanitati in Filio: hinc omnia Christi opera creata, omnes actiones, passiones, mors ipsa vim accepit infinitam; Dei enim erant hæc omnia per illam humanitatem: quare summa hæc est virtus, ad quam ex alijs semper est penetrandum. Aliud est nomen Christi יהוה Elohim, id est Deus, quod propterea ineffabile non est (vt nec alia Dei nomina) quod virtutem significet aliquam à nobis ex Dei effectu intelligibilem. Est igitur hoc nomen actionis Dei infinitæ, vt יהוה Schaddai omnipotentia, siue infinitæ abundantia & miserationum, יהוה Adonai Dominij & auxiliij infiniti. Itaque vim item accipiet vestra oratio, si innitatur actioni, potentia, dominationi, & auxilio Christi infinito. Alia porro nomina Dei similiter exponentes, ex singulis singularem vim accipite orationis in Christo IESV. Ad hæc in nomine יהוה Emmanuel læto animo orate Patrem, est enim nobiscum Deus filius, est homo Dei filius, qui lusit in orbe terrarum coram Patre, & iucunde quidem lusit exercendo suæ œconomia diuina mysteria, mortem etiam oppetens pro nobis summa cum animi promptitudine atque alacritate; qui posuit in suis delicijs esse cum hominibus, & pro mortalium salute pati, & crucem subire. Hic est nobiscum, in quo cum perpetuo sint Pater & Spiritus Sanctus, simul nobiscum cum illo est vniuersa Trinitas superbenedicta. Hoc nomen Christi facite vobis familiare, illi vos dedite, o filij, per illud orate; sed nomen IESV adiungite, magnum illud, potens, & admirabile nomen, nobis propitiū & salutare, Dæmonibus inimicum & formidabile, cui flectitur omne genu, caelestium, terrestriū, & infernorū; per quod omnia nomina Dei, omnes eorum virtutes vobis conciliantur; quod cordium vestrorum lumen caeleste

*Pror. 8.*

*Phil. 2.*

caeleste est, virium diuina restauratio, ignorantia sancta illuminatio; quod nostra est sapientia, iustitia, sanctificatio ac redemptio; atque adeo omnia in omnibus adimpletur IESVS: ex quo scilicet omnis virtus, omnis perfectio, omne bonum in omnes deriuatur, ac in omnibus consummat spiritus plenitudinem: in quo omnes thesauri sapientiae & scientiae, bonitatis, & misericordiae, & salutis aeternae absconditi sunt: verè enim IESVS ipse est Deus absconditus, Deus Israël Saluator. Hoc nomen, hunc IESVM alitè cordibus vestris recipite filij, hinc vires accipite spirituales, vnde ad Patrem accedatis, per quem petatis quicquid petitis à Patre: illud simul adhibentes nomen & obsecrationem, qua IESVS ipse in caelis apud Patrem vitur. Non solum enim inter nos vitam viuens mortalem obtulit Deo Patri labores suos, passiones, cõtumelias, vulnera, mortè, alia mysteria suæ œconomiae omnia, sed nunc idem facit, cõtinenter apparès vultui Dei pro nobis: ipsum enim habemus in caelo Pontificem aeternum secundum ordinem non Aaron, sed magni illius Melchisedech, habemus aduocatum & interpellatorem; offert enim se continèter apertè pro nobis inuentum, & impassibile, & sanctum sacrificium, vnica illius perfectissima oblationis cruentae atque passibilis viam & diuinam memoriam & repraesentationem; quale nos docuit sacrificium in Missa offerre pro viuus & defunctis in mysterio. Hoc igitur sectamini nomen, & rationem petendi à Patre per Missae sacrificium, per mortè & passionem Christi, per omnia eius & mortalis & immortalis mysteria: his nitimini in petitionibus vestris, non vestris meritis; etiam si Sanctorum meritis, tum etiã vestris vti potestis; nõ quasi vestrae virtuti innitami, sed Dei, qui sua dona voluit nostra esse merita in Christo, & rationes orationis exaudiendae: neque enim non in nomine Christi petetis, siquid per merita Matris eius sacrosanctae, si per Sanctorum merita postulatis. Peute simul in nomine Christi, quod nomè incarnationis Christi mysterium ostendit, & vnionis gratia illam infinitam. Est enim Christus vnctus: sed à quo vnctus? à tota Trinitate: quo oleo? Spiritu sancto & vir-

tute: quibus verbis summa illa vnio hypostatica significatur, qua verbum caro factum est, & habitauit in nobis. Hæc igitur sint vobis praesidia & vires, quibus orationes & petitiones vestras fulciatis. Verum audite: hæc tã sublimes obsecrationes, (ex quibus alias omnes intelligere potestis) hæc tã efficax petitionis virtus obrinebit quæ petetis omnia, modò gratiarum actiones simul coniungatis; tum alia addatis quæ Christus orationi addenda esse docuit, pietatem, fidem, perseuerantiam, & finem Deo dignum: neque enim omnis qui dicit, Domine, Domine, ipse intrabit in regnum caelorum: neque rursus qui in nomine Christi vituncque petit, is continuo consequitur quæ expetit. Illud etiã sciatis, opera bona quæ feceritis Christi voluntatem sequuti, ea magnam habere momentum, vt in nomine Christi petentes petita recipiatis. Fuit salutaris nobis hæc tua expositio doctrinae Christi, Petre sanctissime; sed obsecro te vt mihi declares praeterea, quo pacto verba illa intelligantur, quæ hoc Euangelium praecedunt; In illo die nõ rogabit me quicquam. Voluit bonus IESVS, antequam perfectum orandi modum nos doceret, dedocere imperfectiones nostras. In die illo me non rogabit quicquam: quo die? Quando scilicet iterum videbo vos, & gaudebit cor vestrum, & gaudium vestrum nemo tollet à vobis: quado apertus vobis fuerit sensus vt intelligatis scripturas, cum Spiritum sanctum accipietis, qui vos docebit omnem veritatem: tunc quas vobis inuoc cognoscetis vestras imperfectiones petitionum & interrogationum praeteritarum, & totam meditationis atque orationis rationem mutabit. Percipietis enim illa multa quæ modò nõ potestis portare, atque vt mei cognitionem perfectam accipietis, ita non petetis vel interrogabit me quicquam: ex maiori enim luce ille ego quem prius cernebatis, illustrior vobis videbor: quare faciam ego, faciet Spiritus sanctus, vt plenitudinem scientiae accipiat. Propter hæc omnia mysteria agimus gratias quas possumus maximas Deo. Tibi item magnas Pastor noster & Patrone singularis Petre, & dicimus IESVM Christo cum Ioanne Apostolo, Amen, Amen.

ASCEN-